

泰州志卷之十七

事畧志

漢吳王濞開邗溝通運海陵

宋史河渠志六

此徽宗宣和三年詔中語漢書濞本傳不載此事府

志河渠亦錄此條以三年作二年又於開邗溝下增

自揚州茱萸灣六字未詳何據

後漢獻帝興平二年孫策攻破劉繇別將於海陵

裴松之三

國志孫策傳注

案是時劉繇逐吳景據曲阿策乃說袁術乞助景等

平定江東見吳志府志事畧引孫策傳云策渡江攻

泰州志

卷之十七

事畧

破海陵本傳正文無此語

三國魏黃初二年遼屯雍邱得疾帝迎遼就行在所疾

小差還屯孫權復叛遣遼乘舟與曹休至海陵病遂篤

薨於江都

節魏志張遼傳

晉簡文帝咸安二年六月前護軍將軍庾希舉兵反自

海陵入京口桓溫遣東海內史周少孫討擒之斬於建

康市

晉書簡文帝紀

毛璩為鎮北將軍譙王恬司馬海陵縣界地名青蒲四

面湖澤皆是菰葑逃亡所聚威令不能及璩建議率千

人討之時大旱璩因放火菰葑盡然亡戶窘迫悉出詣

璩自首近有萬戶皆以補兵朝廷嘉之晉書八十一

案青蒲在泰州東北境六十餘里今屬東臺謂之青

蒲角璩字叔連滎陽武人具毛寶傳

宋孝武孝建二年秋七月立皇弟休茂為海陵王宋書孝武

紀帝

三年夏四月司空南兗州刺史竟陵王誕有罪貶爵誕

不受命據廣陵城反同上

誕見眾軍大集欲棄城北走留中兵參軍申靈賜守

廣陵自將步騎數百人親信自隨聲云出戰邪趣海

陵道慶之遣龍驤將軍武念追之通鑑宋紀十一賀弼字

秦州志 卷之十七 事畧 二

仲輔會稽山陰人有文才為竟陵王誕記室參軍誕

據廣陵叛弼固諫再三誕怒抽刃向之乃止或勸出

降弼曰公舉兵向朝廷此事既不可從荷公厚恩又

義無違背惟當死明心耳乃服藥自殺贈車騎將軍

山陽海陵二郡太守見宋書竟陵王傳

南齊延興元年皇太后令帝降封海陵王南齊書海陵王紀

陳後主至德元年隋開皇二年賀若誼封海陵郡公隋書誼本傳

隋賀若弼為吳州總管開皇中與史萬歲韓擒虎同帥

兵至海陵征捕海寇八千人郡人立祠忠義河側舊志據晏

溪志舊志以弼入名宦非是

案隋書不載此事今姑錄之俟考忠義河在今東臺縣治西北五里 東臺志作史太歲未詳

煬帝大業十一年冬十月東海賊帥李子通擁眾渡淮

自號楚王建元明政

隋書煬帝紀

子通有勇力先依長白山賊帥左才相羣盜皆殘忍而子通獨寬仁由是人多歸之未半歲有眾萬人才相忌之子通引去渡淮與杜伏威合伏威選壯士為假子凡三十餘人王雄誕闖棧為之冠既而子通謀殺伏威遣兵襲之伏威被重創墜馬雄誕負之逃葭葦中收散兵復振將軍來整擊破之伏威逃免整又

秦州志

卷之十七

事畧

三

擊子通破之子通帥其餘眾奔海陵復收兵得二萬

人自稱將軍

通鑑隋紀六

唐杜伏威據歷陽陳稜據江都李子通據海陵俱有窺

江表之志

通鑑唐紀三

案子通據海陵窺江表即隨紀中所云得眾二萬自

稱將軍之事其後克江都僭國號事具唐紀

中宗嗣聖元年十一月乙丑敬業至海陵界阻風其將

王那相斬敬業敬猷及駱賓王首來降

通鑑唐紀十九

案是年武后廢帝為廬陵王改元文明又改光宅九月柳州司馬徐敬業殺揚州長史陳敬之起兵匡復

復稱嗣聖元年事具唐紀

肅宗上元二年春正月辛亥鄧景山將千人自海陵濟

東趨常州

通鑑唐紀三十八

案上元元年宋州刺史劉展反陷揚潤昇等州平盧

軍兵馬使田神功及淮南東道節度使鄧景山特進

范知新等討平之事具唐紀

代宗大庾時李承為淮南西道黜涉使創為捍海堰自

鹽城南入海陵綿亘百里兵農商竈舉得其利

崇禎州志案

承趙郡高邑人具舊唐書承非秦州官舊志入名宦非是

案舊唐書載承為黜涉使時奏於楚州置常豐堰以

秦州志

卷之十七

事畧

四

禦海潮屯田瘠鹵歲收十倍與此不同今姑仍舊志

錄之俟考

僖宗光啟二年六月鎮海節度使周寶遣牙將丁從實

襲常州逐張郁郁奔海陵依鎮遏使高霸

通鑑唐紀七十二

霸高駢將鎮海陵有民五萬戶兵三萬人見唐紀

三年十月秦彥遣鄭漢璋將步騎五千出擊張神劍高

霸寨破之神劍奔高郵霸奔海陵

通鑑唐紀七十三案漢璋新舊唐書俱

作漢章

案高駢鎮揚時方士呂用之等亂政牙將畢師鐸召

宣州觀察使秦彥入揚州推為節度使駢為師鐸所

殺楊行密攻廣陵彥等潰圍行密入據揚州事具新舊唐書○呂用之之賊也其黨鄭杞首歸師鐸師鐸署杞知海陵監事杞至海陵陰詔高霸得失聞於師鐸霸獲其書杞背斷手足剗目截舌然後斬之

唐紀七十三

十一月壬寅命高霸帥其兵民悉歸府城於是數萬戶

棄資產焚廬舍挈老幼遷於廣陵戊戌霸與弟莊部將

余繞山前常州刺史丁從實至廣陵行密出郭迎之

唐紀七十三

案是時孫儒屠高郵楊行密恐儒乘勝取海陵

秦州志

卷之十七

事

五

是命後霸等俱為行密所殺通鑑密太祖入據揚

州而孫儒之亂復熾龔日海陵鎮使高霸

此必不為吾用者因勸太祖以軍令召霸霸帥

部兵來太祖欲遣屯天長以拒儒龔日公以疑霸而

召之其可復用乎不如殺之以併其眾太祖因伏甲

誅霸得其兵數千龔又言廣陵饑弊已甚蔡賊復來

民必重困莫如避之便太祖畱揚州不發明年儒果

攻揚州寇黨外郭太祖倉皇出走將奔海陵龔日海

陵難守而廬州吾舊治也乃走廬州見十國春秋袁

龔傳

揚渥遷趙匡凝於海陵

見五代史

案朱全忠表趙匡凝為荆襄節度使昭宗天祐二年九月梁兵破襄州匡凝奔廣陵行密厚遇之行密死楊渥稍不禮之渥方宴食青梅匡凝顧渥曰勿多食發小兒熱諸將以為倨慢遷匡凝海陵後為徐溫所殺見五代史吳世家及匡凝本傳

五代南唐昇元元年

晉高祖天祐二年

置揚州海陵縣為泰州

馬令先主書

昇元元年十一月己未升東都海陵縣為泰州割鹽

城秦興如臯興化縣屬焉以海陵制置使魏仁規為

泰州志 卷之十七

事遷

六

刺史

吳任臣十國春秋南唐烈祖紀

三年

天祐四年

五月詔遷讓皇之族於泰州號永寧宮防衛

甚嚴康化節度使楊琪稱疾罷歸永寧宮

十國春秋南唐烈祖紀

通鑑載此事亦在昇元三年馬令先主書載六年三

月遷讓皇子孫於海陵號永寧宮嚴兵守之絕不通

人久而男女自為匹偶吳人多哀憐之十國春秋吳

睿帝紀載昇元六年唐遷其宗族於泰州令刺史褚

仁規嚴兵守護案仁規罷於昇元四年則此事在三

年無疑

四年

天祐五年

冬十月丙午罷泰州刺史褚仁規為扈駕都

部署同上

五年天福六年春二月己未殺前泰州刺史褚仁規同上

陳覺泰州人爲宣徽副使昇元四年烈祖東巡覺預

侍從先是覺有兄居故里泰州刺史褚仁規以其犯

法笞之至是覺挾私怨乘間譖仁規貪殘御史王仲

連主其言亦上章劾之烈祖薄其罪止罷職仁規忿

上書自訴烈祖卽命覺馳往鞠之仁規皇恐伏罪詔

賜死覺之竊弄威權始此見十四春秋南唐陳覺傳

保大十四年周世宗顯德二年二月辛卯泰州以城降於周見舊

五代史周世宗紀及宋史韓令坤傳

秦州志 卷之十七 七

韓令坤磁州人周世宗卽位爲馬軍都指揮使領定

武軍節度世宗征淮南揚州無備令坤先令精騎數

百遲明馳入城中不之覺令坤繼至撫之民遂安堵

遂以令坤知州事由是秦州懼以城降見宋史令坤

本傳

遣園苑使尹延範護遷讓皇之族於潤州延範殺其男

子六十人命腰斬延範以謝國人十國春秋南唐元宗紀

世宗征淮南下詔撫安楊氏子孫李景聞之遣人盡

殺其族楊氏遂絕五代史吳世家 顯德三年周世宗征淮

南下詔撫安楊氏子孫唐元宗聞之遣園苑使尹延

範

江南野乘
作延範

迎置京口時道路已亂延範慮有變執

其二弟六十餘人殺之以其婦女渡江元宗大怒腰

斬延範罵曰小人以不義之名累我楊氏遂絕周先

鋒都部署劉重進得其玉硯馬腦椀翡翠瓶以獻十國

春秋
帝紀

吳讓皇既殂於丹陽其族屬尚居秦州廨

舍先主自受禪以還未暇措置迨殂方屬嗣君曰邦

君皆楊氏所有偶移在我吾憫孤兒嫠女僑寄殊鄉

令往秦州津斂楊族安於京口調贍撫育無令失所

男女婚嫁悉資官給璟稟遺戒遣園苑使尹延範具

車調費往秦般護時王室在難道路已亂延範慮有

秦州志

卷之十七

事畧

八

他變取子弟六十人皆殺之惟載婦女渡江璟大怒

以廷範腰斬仍誅其族於市以慰其冤諸女二十餘

人選士族嫁之

文瑩玉
壺清話

宋齊邱幽死畢命時歎曰

吾昔獻謀幽讓皇族於秦州宜其及此

十國春秋南
唐元宗紀

江南初主本徐溫養子及僭號遷徐氏於海陵中主

繼統用齊邱謀徐氏無男女少長皆殺之其後齊邱

常有一小兒病閉閣謝客中主置燕召之亦不出有

老樂工且雙瞽作一詩書紙鳶上放入齊邱第日化

家爲國實良圖總是先生畫計謨一箇小兒拋不得

上皇當日合何如

樂工卽李家明紙鳶上書一子不
能捨如讓皇百口何見

家明本傳與此小異海陵州宅之東至今有小兒墳數十皆當

時所殺徐氏之族也十國春秋備考案徐氏或是楊氏之

譌然州志有小兒冢亦云徐氏事豈徐與楊並遷海

陵耶又江南野史載嗣主斬延範後泣謂左右曰延

範之死乃成濟之徒與孤非不知之不得已也此舉

自在周世宗下詔撫安之後如稟先主遺戒不應遲

至十餘年玉壺清話所云亦未足信

周師陷泰州刺史方訥棄城遁同上

訥奔金陵見通鑑後周紀

四月唐右衛將軍陸孟俊自常州將兵萬餘人趣泰州

泰州志 卷之十七 事畧 九

周兵遁去孟俊復取之遣陳德誠戍泰州通鑑後周紀

初兩浙錢俶承詔遣兵攻常州為陸孟俊所敗李景

乘常州之捷遣孟俊領兵迫泰州王師不守韓令坤

欲棄揚州而回帝怒遣殿前都指揮使張承德往援

之俄而孟俊自海陵抵揚州令坤迎擊敗之生擒孟

俊舊五代史周世宗紀

秋七月元帥景達等趣壽州其將克復舒蘄泰三州馬令

嗣主 書

十國春秋作夏四月復泰州秋七月復東都舒蘄光

和滁州

秘閣修撰趙令憲知西外宗正事主管泰州宗子洛州防禦使士從添差同知西外宗正事主管高郵州宗子繫年要錄十二

冬十月戊午遣剡光世討李成宋史高宗紀李成敗獲其黨

之家屬詔分養於真泰楚三州光世具上男女六百餘人畢沅續鑑宋紀一百二

三年二月丁巳金人犯泰州守臣曾班以城降宋史高宗紀

金人自揚州八兵而來班聚軍民議曰金重兵臨城班義不當去相與死若何眾皆哭曰願以生靈為念屈節投拜保全一城班遂遣兵馬鈐轄張亢齋降

秦州志 卷之十七 事略 十一

書詣軍前植降旗於城上率軍民迎拜金人入城置酒高會居數日盡掠金帛而去繫年要錄二十

辛未潰兵宋進犯秦州守臣曾班遁宋史高宗紀

進初為韓世忠圍人至是更名世雄聚兵二百餘犯秦州曾班遁去世雄入城縱掠淮錢糧官裴淵為首

劫生財繫年要錄二十秦宋進兵止二百餘班已棄城遁故岳忠武有秦州不可守之語

四年秋七月庚申以岳飛為通秦州鎮撫使同

冬十月丙申詔劉光世節制諸鎮守禦通秦州伺便襲

金人過淮同

上

同

同

同

同

已亥通泰鎮撫使岳飛在泰州持法嚴衆不敢犯前軍
統制官傅慶衛州窰戶也有勇力飛愛之慶恃其才視
飛爲平交飛無忤色及飛爲鎮撫使待之頗異慶不悅
會劉光世遣王德來承州飛命慶以兵會慶與德語云
願事劉公統領官王憲聞其言以告飛至是飛令諸將
射遠慶獨至百七十步旣而飛取上所賜戰袍金帶遺
統制官王貴慶醉謂飛曰當賞有功者飛問有功者誰
慶曰慶在清水亭有功飛大怒曰不斬傅慶何以示衆
遂斬之繫年要錄三十八 案是年金人再犯常州飛與戰於清水亭大捷
十一月丙午岳飛棄泰州渡江丁未金人犯泰州飛退

泰州志

卷之十七

事畧

三

保江陰軍沙上

宋史高宗紀

十一月左監軍昌犯泰州飛以泰州不可守率衆渡

江見繫年要錄

飛在承州泰州盜起王招寇城東張榮

寇城北詔飛還守通泰乃旋師自白炭村至柴墟屢
戰皆捷金虜勢盛泰州無可恃之險乃渡百姓屯江

陰

見岳珂金陀粹編餘詳名宦本傳

丙辰金人陷泰州

宋史高宗紀

紹興元年三月壬子朝奉郎通判泰州馬尙就差知泰

州招諭軍民歸業并興鹽場等事

繫年要錄四十三

案是月金人退馬尙暫守見繫年要錄

金人攻張榮縮頭湖水砦榮擊敗之來告捷劉光世以

榮知泰州

宋史高宗紀

先是張榮在通州以地勢不利乃引舟入縮頭湖作

水砦以守金右監軍

一作左監軍

昌在泰州以舟師犯榮

水砦榮亦出數十舟載兵迎敵望金人戰艦在前榮

皇遽欲退不可徐謂衆曰無慮也金人止有數艦在

前餘皆小舟方水退隔淖不能至岸我捨舟而陸殺

棺中人耳遂棄舟登岸大呼而殺之金人不能騁舟

中自亂溺水陷陣者不可勝計昌收餘衆二千奔楚

州榮獲昌子壻佛寧俘誠甚衆榮自京東來未嘗承

泰州志

卷之十七

事畧

三

王命遂無路告捷聞光世在鎮江乃遣人願聽節制

且上其功光世大喜以榮知泰州

繫年要錄四十三

金將

撻覽在泰州榮以舟師設伏掩擊於縮頭湖大敗其

衆因更名得勝湖

雍正府志封建

三年左朝奉大夫趙直康改知泰州泰州自分鎮後就

用武將張榮爲守及是始用文臣

見繫年要錄案分鎮謂置通泰鎮撫使

也

四年詔燒毀揚州灣頭港口牖泰州姜堰通州白蒲堰

其餘諸堰并令守臣開決焚毀務要不通敵船

宋史河渠志七

十二月辛巳命中軍統制王進屯兵泰州防扼通泰

宋史

高宗

紀 辛丑秦州陵亭水砦馮定捕敵三十九人繫年要錄八十三

五年春正月戊申進廬秦二州守禦官屬各一官宋史高宗

紀

十一年二月辛巳知秦州王瑛兼通泰制置使措置水

砦鄉兵控守二州繫年要錄一百三十九

案瑛為秦檜妻兄秦熺即瑛之孽子出為檜後見宋

史姦臣秦檜傳瑛一作瑛

二十一年朝散郎王揚英上書薦秦熺為相檜奏揚英

知秦州宋史姦臣秦檜傳

秦州志

卷之十七

事畧

古

熺因太后北還自頌檜功德凡二千餘言使著作郎

王揚英周執高上之皆遷秩見秦檜傳揚英知秦州紹

興二十五年創建宣聖廟蓋揚英薦秦熺在二十一

年知秦州則自二十二年至二十五年與孫蓋相代

也官倚鏐春雨草堂集

二十七年冬十月癸卯築通泰楚三州捍海堰宋史高宗紀

三十一年六月壬寅利州觀察使張榮添差淮南東路

馬步軍副總管秦州駐劄繫年要錄一百九十案是時金主亮將徙居汴京以逼

宋

十月劉錡檄淮東副總管張榮以所部人船盡赴淮陰

榮被檄卽發泰州至楚州則大軍已退鑄兵次淮陰聞王權遁引兵歸

揚州事具宋史高宗紀其所統民兵皆驚潰榮收散僅千人至邵

伯埭决運河水入湖以自保焉繫年要錄

壬戌金人陷揚州淮東安撫使劉澤棄城奔泰州宋史高宗

紀

十一月乙未金人陷泰州宋史高宗紀

亮有紫茸等細軍不遣臨敵專以自衛衆患之時總管萬

戴統軍耶律阿里等共謀弑亮奏遣細軍取海陵謂細軍曰淮東子

女金帛逃在泰州何不往取之細軍欣然共請亮許

之於是去者過半繫年要錄一百九十四先是泰州守臣請

泰州志 卷之十七 事畧 五

祠去通判王濤權州事九月濤以移治爲名而去畱

州印付兵馬都監趙福金人侵淮甸水砦都統領胡

深與其副臧珪棄水砦率鄉兵二千入泰州以兵勢

凌福福具申於葉義問義問以深權知州深以珪權

通判福權本路兵馬都監淮南轉運副使提領諸路

軍馬楊抗又以其右軍統領沙世堅權海陵縣丞兼

知縣深聞金人欲犯泰州與世堅棄城先遁珪掘斷

堰盡泄運河水至是敵細軍至城下遂徑登城縱火

鹵掠福死於亂兵城中子女強壯盡被驅去時楊存

中命右軍統制王剛以所部權知泰州而城已陷矣

同

案是日金人弒亮於揚州龜山寺事具金史

十二月辛丑細軍之在泰州者棄城而去

繫年要錄一百九十五

以李寶為靖海軍節度使浙西通泰海州沿海制置使

京東東路招討使

宋史高宗紀

癸卯右軍統領沙世堅入泰州

同上

甲辰右軍統制權知泰州王剛以所部至本州

繫年要錄一百

九十

孝宗淳熙三年四月詔築泰州月堰以遏潮水從守臣

張子正請也

宋史河渠志七

又案光宗紹熙五年淮東提舉陳損之言揚州墟鎮

秦州志

卷之十七

事畧

六

舊有隄牖乃秦州泄水之處其牖壞人亦於此剏立

斗門西引盱眙天長以來衆湖之水起自揚州江都

經由高郵及楚州寶應山陽北至淮陰西達於淮又

自高郵入興化東至鹽城而極於海又泰州海陵南

至揚州泰興而徹於江其為石礎十三斗門七乞以

紹熙堰為名詳見宋史河渠志

寧宗嘉定三年夏四月丙寅詔監司守臣安集泰吉二

州民經賊蹂踐者五月乙未淮東賊悉平詔寬恤殘破

州縣

宋史寧宗紀案二年揚楚衡柳吉五州南安軍盜起

乙巳命沿海諸州督捕海寇

同上

理宗紹定二年十二月李全破泰州知州宋濟迎降正雍

府志
封建

王子李全寇揚州見王宗沐續鑑癸丑全塞泰州城

濠子邦傑宗雄武通全戒守者無發矢俟薄城而感

之全得距堙宋濟恐濟泰令縣尉某如全壘全以增

糧省檄示之時攝揚州事趙傲夫得史彌遠書許增

惟雷尉復出獻錢二百萬以降乙卯邦傑雄武開門

導全濟帥僚吏出迎全入坐郡治濟發帑出所獻錢

全曰獻者汝私藏耶若泰州府庫則我固有何假汝

獻為乃舍濟僉判廳入郡堂盡收子女貨幣庚申全

泰州志

卷之十七

事畧

七

聞范葵既入鞭行德鄭衍曰我計先取揚州渡江爾

曹勸我先取通泰今二趙入揚州矣江其可渡耶全

先據揚州以渡江分兵徇通泰以趨海其下皆曰通

泰鹽場在焉莫若先取為家計見王宗沐續鑑宋紀

莫敢對既而曰今惟有徑擣揚州耳甲子全配兵守

泰州悉出眾宜陵丙寅至灣頭立砦據運河之衝宋

叛臣傳下時正月望城中揚放燈張樂姑示整暇全

之亦往海陵載妓女張燈平山堂矯情自肆揚

州平善湘趙善以露布上帝驚喜太后舉手揚

明輩懼禍及已張國明曾以百唱論云全未至有

資遊士吳大理等助煽之及泰州凱奏繼上浮言始

定同

吳從龍官至武功郎建康府統制紹定兵難

為先鋒援不至被擒使至秦州城下誘降終不屈死

之廟祀揚泰二州賜額褒忠

宋史忠義傳七

全之寇秦州

官屬十有九人皆迎降獨教授高夢月不汙詔贈三

官宋史叛臣傳下

案四年春正月壬寅趙范趙葵等誅李

全於新塘事具宋史不備錄

五年春正月庚寅詔李全之叛淮東提刑司檢法吳澄

等出秦州城謁賊各追官勒停其不出見賊者高夢月

劉賓雲循升二資罵賊死者海陵簿吳嘉特贈朝奉郎

官其一子將仕郎

宋史理宗紀

秦州志

卷之十七

事畧

五

案夢月事與李全傳所載畧異

寶祐六年冬十月戊子元兵攻通秦州

同上

度宗咸淳九年冬十一月戊子知秦州龔準遣將王大

顯等捍禦水砦有功又獲俘民以還詔水步兩軍將校

凡用命者賞激有差

宋史度宗紀

十年春正月知秦州龔準以天長縣東橫山秦潼湖青

蒲口等處戰功推賞

同上

知秦州龔準宋史誤作知秦州龔準故府州志秩官

不載案紹興十二年十月鄭剛中分畫陝西地界割

商秦之半畀金國存上津豐陽天水三縣及隴西成

紀餘地棄和尚方山二原以大散關爲界三十一年十月金人攻秦州向起吳挺擊却之三十二年五月

庚子復置秦州買馬監

見高宗紀

十二月丙寅詔棄德順

城徙兵民於秦州以裏屯住孝宗隆興二年十一月

遣王林如金帥府割商秦地

見孝宗紀據此則紹興間畫地後秦州或仍屬

宋史書未詳

寧宗開禧三年五月辛丑李好義襲秦州敗

還嘉定七年正月何九齡率諸將及金人戰於秦州

城下敗還九年四月戊戌秦州人唐進與其徒何進

等引衆十萬來歸四川制置使董居誼拒却之十一

年春正月壬辰利州將麻仲率忠義人焚秦州永寧

秦州志

卷之十七

事畧

五

砦三月辛卯忠義人十萬餘出攻秦州十三年九月

壬子程信及夏人攻鞏州不克信引兵趨秦州十月

丁巳朔程信邀夏人共攻秦州

見寧宗紀

自隆興割地後

秦州遂入於金又秦州宋爲天水郡金爲秦州見元

史地理志宋崇寧前秦鳳路軍三鎮戎德順通遠後

增積石震武懷德三軍又改通遠軍爲鞏州南渡後

始有天水軍當卽所存之天水縣因以爲軍

知軍黃炎孫見

寧宗紀曹友聞見忠義傳

宋史刊本於秦秦二字每致相譌故詳

攷焉至秦潼青蒲俱海陵地界準之爲知秦州無疑

其準字當從府志作準州志本多缺漏府志旣以準

入事畧而不入秩官非是

恭宗德祐元年

元世祖至元十二年

秋七月庚午宋詔江淮制置

使趙潛樞密都承旨張世傑知泰州孫虎臣等陳舟師

於焦山南北阿木遣張宏範等以拔都兵船千艘掠珠

金沙辛未大戰自辰至午宋師大敗

元史世祖紀

九月丙戌元兵至泰州知州孫虎臣自殺

宋史瀛國公紀案知字

宋史譌作和

二年三月統制官稽聳遣其子德潤同館客林孔時送

文天祥至泰州

見文山集自記

兵部架閣杜濬從京口以計賂守夜劉千戶得脫天

秦州志

卷之十七

事畧

三

祥借走淮甸

見宋史忠義傳九時天祥除右丞相如軍中請和為伯顏所拘留

天

祥與其客杜濬十二人夜亡入真州苗再成出迎時

揚有脫歸兵言密遣一丞相入真州說降矣庭芝信

之使再成亟殺之再成不忍給天祥出城以制司文

示之閉之門外復遣二路分覘天祥果說降者即殺

之二路分見其忠義亦不忍殺以兵二千入導之揚

四鼓抵城下聞候門者談制司下令備文丞相甚急

衆相顧吐舌乃東入海道遇兵伏環堵中得免然饑

莫能起從樵者乞得餘糝羹行入板橋兵又至衆走

伏叢篠中兵入索之執杜濬金應而去虞候張慶矢

中目身被二創天祥偶不見獲許應解所懷金與卒
獲免募二樵者以簣荷天祥至高郵節錄宋史自

高郵至嵇家莊方有一團人家以水為砦統制官嵇

聳其子德潤其姪昌其館客莆田人林希驥字千里

林孔時字願學皆銳意於事功者嵇設醴甚至云今

早報灣頭馬出到城子河邊不與之相遇公真福人

也為之嗟嘆不置願學同德潤送予至泰州見文信公自記

前段不備錄自泰州過海安如臯途中每遇北騎時朱

某方受北命宰如臯天祥懼不得免賴有張阿松者

知天祥非凡人畱宿五日聞有兵至阿松遣子二人

泰州志

卷之十七

事畧

三

戴以葦笠衛送至通州泛海舊志采指南錄案文信公有嵇莊泰州諸詩

見藝文志

端宗景炎元年五月乙巳阿木遣總管陳傑攻拔泰州

之新城遣萬戶烏馬兒守之以徧泰州元史世宗紀案益王於五月

朔卽位

六月壬辰下詔招諭宋揚州制置李庭芝以次軍官及

通泰真滁高郵大小官員同上

壬辰李庭芝畱朱煥守揚州與姜才率步騎五千東走

阿木親率百餘騎督右丞阿里萬戶劉國傑分道追及

泰州西殺步卒千人庭芝等僅得入遂築長圍壅而守

之上同

秋七月乙卯宋泰州守將孫良臣與李庭芝帳下卒劉發鄭俊開北門以降執李庭芝姜才繫揚州獄

同上

宋亡謝太后及瀛國公為詔諭之降庭芝登城日奉詔守城未聞有詔諭降也阿木使者持詔來招降庭芝開壁納使者斬之焚詔隄上七月益王遣使以少保左丞相召庭芝庭芝以朱煥守揚與姜才將兵七千人

元史作

五千

東至泰州煥既以城降驅庭芝將士妻

子至泰州城下裨將孫貴胡惟孝等開門降庭芝聞變赴蓮池水淺不得死被執至揚州朱煥請日揚自

泰州志

卷之十七

事畧

三

用兵以來積骸滿野皆庭芝與才所為不殺之何俟於是斬之死之日揚之民皆泣下

節錄宋史庭芝本傳

宋亡

使持謝太后詔來諭才發弩射却之復擊五奉使於召伯堡瀛國公至瓜州才出奪之衆擁瀛國去才進戰至浦子市夜猶不退阿木使人招之才曰吾寧死豈作降將軍耶揚食盡才時出運米真州高郵以給兵七月益王以保康軍承宣使召才才與庭芝東至泰州將入海阿木以兵追及圍泰州使招之降才不聽阿木驅揚兵士妻子至城下會才疽發脅不能戰諸將遂開門降都統曹安國入才卧內執之以獻阿

木愛其忠勇欲降而用之才肆為慢言阿木責庭芝不降才曰不降者才也復憤憤不已阿木怒高之揚

州節錄宋史忠義傳

丙辰阿木以總管烏馬兒等守泰州

元史世祖紀

元世祖至元十四年立泰州路總管府

元史地理志案二十一年改

為州隸揚州路領二縣海陵如臯

二十二年二月乙巳改江淮元帥招討司為上中下

萬戶府高郵為上萬戶真州為中萬戶揚州泰州弩手

保甲為下萬戶續宏簡錄三

案元史改江淮江西招討司為上中下三萬戶府蒙

泰州志

卷之十七

事畧

三

古漢人新附諸軍相參作三十七翼上萬戶宿州以

下為七翼中萬戶棗陽以下為八翼下萬戶常州以

下為二十二翼弩手保甲在二十二翼之內每翼設

達魯花赤萬戶副萬戶各一人隸所在行院

見元志

弩手保甲是萬戶府名目別為兩翼如弩軍千戶所

施手千戶所屯田萬戶府義兵萬戶府之類不與揚

州泰州連文也恐闕者未盡明晰故詳述焉又至元

二十七年十一月江淮行省言寧國徽州初用土

後皆與賊通今盡遷之江北更調高郵泰州兩萬戶

漢軍戍之見元史兵志

順帝至正七年九月甲子集慶路盜起鎮南王孛羅不
花討平之元史順
帝紀

兩淮運使宋文瓚言江陰通泰江海之門戶鎮江真
州次之國初設萬戶府以鎮其地今戍將非人致使
賊艦往來無常集慶花山劫賊才三十六人官軍萬
數不能討反為所敗後竟假手鹽徒雖能成功豈不
貽笑宜亟選知勇以任兵柄不聽同上 花山賊畢
四等僅三十六人
丙一婦人尤勇捷聚集茅山縱橫出沒三月餘三省
撥兵不能捕殺傷官軍無數後募離徒朱陳等率其
黨一鼓擒之
見輟耕錄

十三年五月乙未泰州白駒場亭民張士誠及其弟士

泰州志 卷之十七 事畧 三

德士信為亂陷泰州及興化縣遂陷高郵據之僭國號
大周自稱誠王建元天祐元史順
帝紀

士誠小字九四白駒場亭人有弟三人士義士德士
信兄弟并操舟運鹽為業緣私作奸利頗輕財好施
得羣輩心常鬻鹽諸富家多陵侮之而弓手邱義尤
窘辱士誠甚士誠忿即帥諸弟及壯士李伯昇等十
八人殺義并滅諸富家縱火焚其居人旁近場招少
年起兵鹽丁方苦重役遂共推為主過丁溪為大姓

劉子仁者所扼士義中矢死士誠擊走子仁乘勝陷
泰州明史藁士
誠本傳 王克柔者泰州人家富好施多結

游俠將爲不軌高郵知府李齊收捕於獄李華甫與
麴張四素感克柔恩謀聚衆劫獄齊以克柔解發揚
州後招安華甫爲泰州判四爲千夫長至正十三年
五月士誠又與華甫同謀起事未幾士誠黨與十八
人共殺華甫遂并其衆輟耕錄李齊知高郵府十三
年張士誠爲亂破泰州河南行省遣齊往招降被拘
囚之賊酋自相殺始縱齊歸泰州平賊徒尙蠶聚士
誠復鼓變殺參知政事趙璉掠官庫民財走入得勝
湖俄陷興化元史忠義傳二案李齊趙璉字伯
死難見府志事畧不具錄

器累遷淮南行省參知政事移鎮真州會張士誠爲

泰州志

卷之十七

事畧

三

亂陷泰州興化行省遣兵討之不克乃命高郵知府
李齊往招諭之士誠因請降行省授以民職且乞從
征討自効遂移璉鎮泰州璉乃趣士誠治戈船趨濠
泗士誠疑憚不肯發又覘知璉無備遂復反夜縱火
登城璉力疾捫佩刀上馬與賊鬪市衢賊圍璉邀至
其船璉詰之曰汝輩罪在不赦今旣宥爾誅戮又錫
以名爵朝廷何負於汝乃旣降復反耶汝棄信逆天
滅不旋踵我執政大臣豈爲汝賊輩屈乎卽馳騎奮
擊賊賊以槩撞璉墜地欲昇登其舟璉瞋目大罵遂
死之其僕揚兒以身蔽璉亦俱死及亂定州民收其

屍歸殯於真州事聞賻鈔三百錠官其子錡

同上案璉穎

川人具趙宏偉傳

納速刺丁辟掾淮東宣慰司泰州賊大

起鎮南王府宣慰司請參議軍事納速刺丁建議築

四城立外寨捷堤穿河募兵與賊抗行省檄其提戰

艦海舟上下巡捕以固江面賊不得渡江多納速刺

丁之功因畱守蕪湖江口泰州李二起行省移之捍

高郵得勝湖賊船七十餘乘風而來卽前擊之焚其

二十餘船賊潰去李二失援遂降其黨張士誠殺李

二復爲亂戕參政趙璉入據興化

節錄元史忠義傳案納速刺丁

死難高郵見府志事畧不具錄

泰州志

卷之十七

事畧

三

六月辛亥親王完者禿泰州陳亡命前河西廉訪副使

也先不花爲淮西添設宣慰副使討泰州

元史順帝紀

十六年二月壬子朔張士誠據平江改平江曰隆平府

蘇州府志

士誠據高郵踰年淮東饑乃遣弟士德由通州渡江

入常熟十六年二月陷平江改平江爲隆平府士誠

自高郵來都之太祖遣楊憲通好於士誠士誠畱憲

不報徐達兵徇宜興攻常熟士德迎戰敗爲前鋒趙

德勝所擒士德小字九六善戰有謀能得士心浙西

地皆其所畧定旣被擒士誠大沮太祖欲畱士德以

招士誠聞道貽士誠書俾降元士誠遂決計請降江

浙右丞相達識帖睦邇為言於朝授太尉士德在金陵不食死

自海道輸糧十一萬石於大都士誠侵嘉興屢為楊完者所敗乃以書請

降於元見薛應旂通鑑歲以為常既而邀王爵不許二十三年

九月復自立為吳王尊其母曹氏為王太妃置官屬

以士信為江浙行省左丞相幽達識帖睦邇於嘉興

元徵糧不復與當是時士誠所據南抵紹興北踰徐

州達於濟寧之金溝西距汝潁濠泗東薄海二千餘

里帶甲數十萬節錄明史俞思齊字中孚泰州人

從張士誠至吳為太尉參軍士誠之臣服於元朝也

泰州志 卷之十七 事畧 三

思齊實勸之既而士誠不漕貢左右諂諛之人實使

焉思齊曰向為賊不貢宜也今為臣而不漕貢猶為

賊耶士誠怒抵案仆地而入思齊即棄官稱疾忍閉

戶終身焉會稽楊維禎嘗為思齊作骨鯁臣傳評曰

張之僚屬多伯嚭直而不阿獨思齊諺有之千人諾

諾不如一士諤諤信哉蘇州府志引稗史案府志

甚誤今附見於此不復錄入人物以思齊入篤行而屬之於宋

二十五年閏月明兵取泰州元史順帝紀時泰

太祖稱吳王以達為左相國帥遇春等徇淮東克泰

州復克高郵明史徐達傳取高 太祖既平武昌

郵在二十六年三月

師還卽命徐達等規取淮東克泰州通州拔高郵取
淮安悉定淮北地明史張士誠傳冬十月遣左相國徐達

平章事常遇春率兵取淮東泰州先張士誠入泰州

壞其城乃修築新城設義兵元帥府及州治於此既

而士誠將夏思恭等據守並葺舊州城而守之明徐

達兵至泰興水道不通乃自大江口挑河十五里直

抵州之南門思恭等退保新城達因築海安城以絕

通州之援遂克之雍正府志封建案雍正府志作至正十五年事甚誤太

祖既定集慶路命遇春同徐達取泰州敵退保新城

明兵入據舊城相持未下遇春屯海安鎮以絕敵援

泰州志

卷之十七

事畧

三

兵之路遂破泰州俘其將夏思恭等府志事畧引嘉靖志案明師

徇淮東在至正二十五年五月破襄陽路之後取集慶路在至正十六年嘉靖志誤二十五年閏月為

閏十月案二十七年九月明師克平江士誠至金陵

自縊死年四十七自起至亡凡十四年事具明史不

備錄

徐達克泰州使孫興祖守海陵

府志秩官志三

明設通泰興化三守禦千戶所

雍正府志軍政

武宗正德六年仇鉞平河南賊移師會陸完滅劉七等

於江北

明史仇鉞傳

劉七

名寵其兄劉六名宸文安人先是寵宸及其黨楊虎齊彥名等捕盜有功劉瑾家人徵賄不得

詔為盜破其家寵等乃
叛見明史馬中錫傳
與齊彥名糾水寇自黃州至

鎮江遂凌駕江面縱橫上下通泰如臯咸被流劫每

謀自通泰登岸還山東而揚州官軍拒之見毛奇齡

後鑑錄

十四年十二月壬戌獵揚城西
明史藁 武宗紀

帝數獵城西命神周取鷹犬泰州即東循草場大獵

以劉姬諫稍止
明史藁 倭倖傳

世宗嘉靖三十三年三月倭自太倉掠蘇州攻松江復

趣江北薄通泰
明史日本傳 案是年倭寇通州 千戶王烈死難詳見人物忠節

增設泰州海防副使
明史鄭 曉傳

泰州志 卷之十七 事畧 三

三十六年倭擾江北特命遂撫淮揚
明史李 遂傳

三十八年四月倭數百艘寇海門遂語諸將曰賊侵

犯之路有三由泰州通天長鳳泗陵寢驚矣由黃橋

通瓜儀以搖南都運道梗矣若從富安
案富安場在 州治東南今

屬東 沿海東至廟灣
案廟灣場 今屬鹽城 則絕地也乃命副使

劉景韶遊擊邱陞扼如臯而身馳泰州當其衝連戰

皆捷通政唐順之副總兵劉顯來援賊大敗走以餘

衆保廟灣據險不出攻之月餘不克遂令景韶塞塹

夷木壓壘陳火焚其舟賊乘夜雨潛遁官軍據其巢

追奔至鰕子港江北倭悉平
明史遂 本傳

三十八年夏四月參將胡宗義與倭戰於海安兵潰千戶趙世勛鎮撫韓徹死之雍正府志封建

六月副使劉景韶率兵追倭於劉莊場等處盡殲之參

將邱陞戰歿

同上 案劉莊場在州治東北今屬興化

案邱陞死難詳見府志事畧以非泰州境內事不具錄明史紀事本末載陞遇害在七月

秋八月巡撫都御史李遂督副總兵劉顯曹克新等擊

倭於白駒場大破之倭悉平

雍正府志

三川沙倭突犯江北由海門流劫將犯揚州參將邱陞禦之鄧家莊進至鍋團陞被殺已而官軍大至賊

秦州志

卷之十七

事畧

三

遁官軍尾之於白駒沙劉顯兵先登各營繼進擊之

賊盡殲焉

見紀事本末

劉顯南昌人膂力絕倫累遷副

總兵協守江浙倭劫江北被圍於劉家莊

疑卽劉顯莊場

以銳卒數千至巡撫李遂令盡護江北軍顯率所部

直入諸營繼之自辰迄酉賊巢破逐北至白駒場茅

花墩斬首六百有奇

明史顯本傳

案倭亂始於嘉靖三

十二年至四十三年戚繼光破倭於仙游俞大猷破

倭於潮州其患始息見蘇州府志